



BIBLIOTHEKA  
UNIV. JAGELL.  
CRACOVENSIS

379855

Mag. St. Dr.



1404






379855

III








IN FIDEM

Clariorum Exemptionis  
Super Bonis



ROME

EX



2.  
D E C I S I O

SAC. ROTÆ ROMANÆ

C O R A M

R. P. D.

A Z E D O

I N C A U S A

Cracovien. Exemptionis  
Quoad Curam Animarum.

*Lunæ 23. Junii 1777.*



ROMÆ MDCCLXXVII.

---

Ex Typographia Rev. Camerae Apostolicæ,

*Superiorum permissu.*









1



Ostquam Episcopus Cracoviensis in contro-  
versiam posuit generalem exemptionem Or-  
dini Canonorum Regularium Sancti Se-  
puleri concessam, pro qua tota est *mea*  
*contemporanea Decisio*, vehementius insti-  
tit super jure visitandi omnes Ecclesias Pa-  
rochiales eidem Ordini adnexas, à quo ne

Regulares quidem exempti fieri possunt immunes. E-  
contra Præpositus Generalis Privilegiorum suorum fir-  
mitate confusus non solum ab hac peculiari Episcopi ju-  
risdictione Parochiam Monasterii Miechoviensis, in quo  
ipse fixam habet Sedem, eximendam esse contendit,  
sed cæteras etiam Ecclesias Parochiales Ordini suo uni-  
tas velle è dominio Episcoporum nonnihil subducere vi-  
sus est. Plus equidem justo utrinque petebatur: Hinc  
cum Sacrum Tribunal hac etiam super re boni Juris exa-  
men, quo tutius manutentionis controversiam definiret,  
prudens assumere statuisset, mihi contigit hoc manè in-  
terrogare Patres = *An, & de cujus bono jure constet*  
*etiam ad effectum manutentionis in casu &c.* =, prodiit-  
que responsum = *Constare de bono jure Præpositi Genera-*  
*lis quoad Parochiam Miechoviæ tantum etiam ad effectum*  
*manutentionis.*

2 Et profecto ignotum non est, illos Regulares, qui in pro-  
priis Ecclesiis Animarum Curam exercent, immediate  
subesse quoad dictam Animarum Curam jurisdictioni, &  
Visitationi Episcopi, licet privilegiis, exemptionibus,  
plerisque aliis titulis muniti reperiantur. Est enim satis  
abundè perspicua Sacrosancti Concilii Tridentini dispo-  
sitio *sess. 25. cap. 11. de Regular.* Verum hac in specie re-  
gula tam generali uti non licet; Cum enim Cracoviensis  
Episcopus hanc jurisdictionem ampliare velit in Mie-  
choviensem quoque Præposituram, hinc istud ipsum est,  
quod ei nullo modo concedi potest. Est siquidem Eccle-  
sia Miechoviensis unita Monasterio, ubi assidue Præpo-



fitus Generalis Ordinis Sancti Sepulchri commoratur, & Parochi munus exercet, hancque ob rationem eadem Ecclesia excipienda est ab Episcopali Jurisdictione etiam in iis rebus, quæ ad Animarum Curam, & Sacramentorum administrationem pertinent, quemadmodum similia loca excipienda esse decrevit Sacrum Concilium Tridentinum eadem *sess. 25. cap. 11. de Regal.*, & consentaneè statuit *San. Mem. Benedictus XIV.* in Constitutione, cui initium = *Firmandis* =

3 Hic autem regerendum non erat, Præpositum Miechovia non esse Generalem, ac totius Ordinis Caput. Visum est enim in contemporanea Decisione, ipsum habere, Domos, Præposituras, & Ecclesias in Polonia, Russia, aliisque in Regnis, quæ appellantur Membra dependentia ab Ecclesia, & Monasterio Miechoviensi veluti à suo Capite. Ipsæ quoque Ordinis Constitutiones à Summis Pontificibus approbatæ Superiorem Generalem renuntiant Miechoviensem Præpositum, & quod maxime ponderandum est, eidem amplissimam attribuunt jurisdictionem visitandi, privandi, eligendi, approbandi, & Litteras impertiendi dimissoriales, uno verbo agendi ea, quæ nemo præter Superiorem Generalem facere posset. Denique nonne ipsimet Cracovienses Episcopi in Actibus institutionum, quas Religiosis à Præposito Miechoviensi præsentatis dederunt, eundem semper Generalem Præpositum recognoverunt, ac nominarunt? Nonne iidem ad Sacram Congregationem Concilii retulerunt, Canonicos Regulares Sancti Sepulchri habere Capitalem Conventionem in Miechovia cum Præposito totius Ordinis Generali? Nonne Generalitiam hæc qualitas obfirmata extitit in Concordatis anno 1737. Sanctam Sedem inter, & Polesonam Rempublicam initis, ac ab ipso tunc temporis Episcopo Cracoviensi subscriptis? Vix ergo, ac ne vix quidem fas est in dubium revocare, quin Præpositus Miechoviensis revera sit Generalis totius Ordinis Sancti Sepulchri, istoque titulo etiam quoad Curam Animarum ab Episcopali jurisdictione immunis fieri debeat.

4 Minus autem vere obieiebatur, quod ii Regulares Præpositum Miechoviensem non tanquam eorum Superiorem observent. Constat enim, non alios, quam ipsos Religiosos à singulis Provinciis vocatos sibi eligere Superiorem Generalem, cui statim Præpositura Miechoviensis confertur: Fingi ne potest, quod ipsi huic Eleto sese non subdiciant, neque obedientiam præstent? At quot vidimus jurisdictionis actus, quos ipse Miechoviensis Præpositus in Conventuales Domos, Loca, & Ecclesias sibi subjectas exercuit? Nonne ii omnes probant, eum revera in Superiorem Generalem agniti, habitumque



fuisse? Ita sane. Verum ut quisque sibi de hac re persua-  
deat, non est necesse, quod plura addamus. Singul-  
latim omnia exposuit *contemporanea Decisio*, proinde-  
que illinc assumere fas erit, quæ ad hunc locum perti-  
nebunt.

5 At inquirunt, Ordo Sancti Sepulcri suppressus fuit ab In-  
nocentio VIII., pleraque illius Monasteria non amplius  
existunt, alia vero per se stant, nec ab ullo Superiore,  
Generali reguntur, proindeque Ordo ille non est ejus-  
modi, ut Superiorem Generalem habere possit. Sed  
male, sed perperam. Licet enim Innocentius VIII.  
Ordinem Sancti Sepulcri extinxisset, Successores Pon-  
tifices tamen omnem impenderunt operam, ut idem Re-  
ligiosus Ordo in Polonia, aliisque proximis Regnis so-  
spes adhuc, & incolumis custodiretur; quo factum est,  
ut Domus, Conventus, & Ecclesiæ in præfatis locis exi-  
stentes sese in unam quasi Rempublicam constituerent,  
illarumque Regulares sub unis eisdemque legibus viven-  
tes Præpositum Miechoviensem in eorum Caput, ac Su-  
periorem Generalem agnoscerent. Nihil ergo refert,  
quod nunc idem Ordo ad longe pauciores Religiosorum  
numerum redactus sit, Præpositoque Generali aliqua  
non subiciantur Monasteria. Non enim ex majori, vel  
minori Regularium, aut Monasteriorum numero dicitur  
Religiosus Ordo; Sed pro tali fermè semper habetur,  
si adit Prior Generalis, qui in aliquibus Conventibus,  
Locis, & Ecclesiis absolutam exerceat jurisdictionem;  
Itaque semel ac in Polonia, Russia, Hungaria, pleris-  
que aliis in locis Canonici Regulares Sancti Sepulcri  
unam constringunt Congregationem, istiusque Congrega-  
tionis Caput est Præpositus Miechoviensis, prout velut  
alveo descendit, illum perfrui debere singulis privile-  
giis, quibus gaudent Generales Regularium Ordinum  
Superiores.

6 Inaniterque reponebatur, quod concessio Monasterii Mie-  
choviensis in Commendam Generalatus prærogativam ab  
illius Præposito excludat oportet: Monasteria enim, quæ  
sunt Capita Ordinum, non solent in Commendam conce-  
di ad *statuta per Sacrum Concilium Tridentinum sess. 25.  
cap. 21. de Regular.* Profecto vis aliqua huic objectioni  
tribueretur, quatenus Commendatario plenum, sum-  
mumque jus in Præpositum Miechoviensem, ceterosque  
ejusdem Monasterii Regulares concessum fuisset, tunc  
enim de Monasterio Miechoviensi non sine ratione suspi-  
cari fas esset, quod Generalitia qualitate haud potire-  
tur. Sed cum perspicuè constet, idem Monasterium in  
Commendam datum nihil sui juris depernisse, in eoque



jugiter extitisse Superiorem Generalem, qui universa  
S. Sepulcri Congregationi unice præsuit, atque impe-  
ravit, hinc ex tali in Commendam concessione nihil  
aliud inferre licet, quam quod ea redditus quidem Mie-  
choviensis Monasterii imminuerit, nullum autem præju-  
diciū attulerit jurisdictioni, qua Præpositus illic de-  
gens in Ordine universo pollet; sicuti rectè ponderat  
*Card. de Luca in Miscell. Eccles. Disc. 54. num. 25.*  
& seqq.

- 7 Manifesto denique adversatur facto proposita exceptio,  
quod Episcopus Cracoviensis majorem jurisdictionem in  
Monasterio Miechoviæ habeat; Nullus enim profertur  
actus, qui hoc vel leviter ostendat. Scimus autem ex  
Testibus, *Episcopum, aut suos Commissarios nunquam  
exercuisse jurisdictionem suam in Ecclesiam Parochialem,  
& Conventualem Miechoviensem, & Personas exercen-  
tes Curam Animarum* = Nec ex quo Visitator olim Ordina-  
rius se contulit ad præfatum Monasterium, argui po-  
test, Ecclesiam illius loci aliquando visitavisse; Nam  
ipsimet Testes, quos Episcopus hac super re examini sub-  
jecit, palam faciunt, quod ille Visitator *tantum per-  
noctavit, non tamen Ecclesiam in ea forma ut alias vi-  
sitavit. At illam visitare in animo habebat. Sane nihil  
hoc levius, atque ineptius obijci poterat. Demus ta-  
men, quod visitare is Ecclesiam cogitaverit. Si autem  
ab eo faciundo se libenter abstinuit, ne Apostolicis Pri-  
vilegiis, ut asseruit, quidquam detrimenti adferret,  
sponte sua sequitur, ipsummet Visitatorem intellexisse,  
quod animus visitandi Ecclesiam Miechoviensem depo-  
nendus erat, agendumque idcirco cum Præposito tan-  
quam cum Persona ab Episcopali jurisdictione exempta.*
- 8 Stat igitur, Ecclesiam Parochialem Miechoviæ adnexam Mo-  
nasterio Generalitio Ordinis Sancti Sepulcri dignam es-  
se, quæ ne in rebus quidem ad Curam Animarum pertinen-  
tibus Episcopali jurisdictioni subjiçiat. Quantum vero  
attinet ad alias Ecclesias hujus ejusdem Ordinis adnexam  
habentes Animarum Curam, Sacramentorumque admi-  
nistrationem, hæ procul dubio quoad Curam tantum Ani-  
marum subesse debent visitationi, & jurisdictioni Epi-  
scopi, in cujus existunt Diæcesi. Nec exemptio, quam  
habent illarum Parochi Regulares Sancti Sepulcri, satis  
est, quæ Episcopis impedire valeat exercitium suæ ju-  
risdictionis in iis rebus, quæ ad dictam Curam Anima-  
rum pertinent. Sicuti enim iidem non quæ Parochi, sed  
quæ tantum Regulares Sancti Sepulcri ab Episcopali ju-  
risdictione immunes facti fuerunt, ita non equidem re-  
pugnat, ut respectu unius qualitatis dominium Ordina-



riorum experiri debeant, respectu vero alterius ab illo  
sint penitus immunes, unde his ipsis Religiosis jam pri-  
us dixerat Rota in Præmislien. Præpositura super Con-  
ventualitate 22. Januarii 1760. §. ultimo coram Reve-  
rendissimo P. D. meo Ratto Decano.  
Et ita DD. ius suum unicuique tribuentes responderunt.  
Utraque &c.








to  
a  
2  
2







P. P. DOM KSIĄŻKI  
— ANTYKWARIAT —

\* 008290

sidr0022383



Biblioteka Jagiellońska



